

Na osnovu člana 11. Zakon o privatizaciji preduzeća („Službene novine Federacije BiH“, br. 27/97, 8/99, 32/00, 45/00, 54/00, 61/01, 27/02, 33/02, 28/04, 44/04 i 42/06), člana 12. Zakona o Agenciji za privatizaciju („Službene novine Federacije BiH“, br. 18/96 i 2/02) i važećim pravilima Sarajevske berze-burze vrijednosnih papira, Upravni odbor Agencije za privatizaciju u Federaciji BiH, na sjednici održanoj 28. januara 2008. godine, donio je

**PRAVILNIK
O IZMJENAMA I DOPUNAMA PRAVILNIKA O POSTUPKU PRODAJE
DRŽAVNOG KAPITALA NA BERZI**

Član 1.

U Pravilniku o postupku prodaje državnog kapitala na berzi („Službene novine Federacije BiH“, br. 58/06 i 32/07), član 5. stav 1. mijenja se i glasi:

„U skladu sa odlukom iz člana 4. ovoga Pravilnika, nadležna agencija sačinjava plan prodaje dionica društva na berzi, koji sadrži:

1. podatke o društvu (naziv, sjedište, djelatnost, podatke o poslovanju društva i podatke o dionicama društva),
2. podatke o državnom kapitalu i obimu prodaje,
3. podatke o prethodnom trgovanju dionicama društva na berzi i dinamiku prodaje dionica,
4. način utvrđivanja početne prodajne cijene“.

Član 2.

U članu 7. dodaje se novi stav 2. koji glasi:

„Prilikom izdavanja prodajnog naloga profesionalnom posredniku unosi se početna prodajna cijena.“

Član 3.

U članu 8. iza stava 3. dodaje se novi stav 4. koji glasi:

„ U ponovljenom postupku prodaje dionica društva na berzi prodavac može utvrditi novu početnu prodajnu cijenu u skladu sa stvom 1. ovoga člana“.

Član 4.

U članu 9. stav 4. u drugom redu riječ „posredovanju“ se briše i zamjenjuje riječima: „obavljanju brokerskih poslova“.

Član 5.

Iza člana 9. dodaje se novi član 9a koji glasi:

„Član 9a.

Nadležna agencija, prema opredjeljenju, može potpisati sa izabranim profesionalnim posrednikom iz člana 9. novi Anex ugovora uz već postojeći ugovor o obavljanju brokerskih poslova.

Osnov za opredijeljeno potpisivanje novog Anexa ugovora je da izabrani profesionalni posrednik iz stava 1. ovog člana mora, u svakom narednom periodu od tri mjeseca, zadržati poziciju jednog od tri člana berze koji su ostvarili najveći promet,

izuzimajući promet dionicama u državnom vlasništvu a prema zvaničnim podacima Sarajevske berze.

Cijena posredničkih usluga je jednaka cijeni posredničkih usluga iz predmetne prodaje zasnovane članom 9. ovog Pravilnika.

Period u kome nadležna agencija može postupati na osnovi člana 9a ovoga Pravilnika je do 12 mjeseci od datuma stupanja na snagu odluke o izboru profesionalnog posrednika iz prethodnog člana 9. ovoga Pravilnika“.

Član 6.

U članu 10. stav 1. u petom redu riječi: „najmanje 10 dana prije izdavanja naloga profesionalnom posredniku“ se brišu i zamjenjuje riječima:

„najmanje 15 dana prije datuma održavanja vanredne aukcije“.

Iza stava 2. dodaje se novi stav 3. koja glasi:

„Nadležna agencija nije obavezna provoditi aktivnosti iz stava 1. ovoga člana u slučaju:

1. ponavljanja nakon neuspjele prodaje dionica društva na berzi i
2. ponavljanja prodaje dionica društva na berzi pri kojoj su dozvoljeni kupovni nalozi sa količinama koje su manje od količine u prodajnom nalogu“.

Član 7.

U članu 12. stav 1. broj „30“ zamjenjuje se brojem „15“.

Član 8.

Ovaj Pravilnik stupa na snagu narednog dana od dana objave u „Službenim novinama Federacije BiH“.